



Bernhardus apud Belgas natus, & in omni genere literarum à pueris institutus est. Postea uerò cum adoleuisset, ordinem Dominicanorum suscepit, atq; pietati & studijs summa diligentia incumbere statuit. Hac ratione monachus factus Theologiæ præclaram operam nauauit, & doctissimis uiris Coloniae adnumeratus fuit anno 1516. Interea quoq; Bernhardus Catalogū hæreticorum scripsit, atq; tractatū de purgatorio adiecit. Librū quoq; in commendationem Iosephi spōsi Christi feræ uirginis & nutritij Domini nostri Iesu Christi composuit, atq; Coloniae edidit. In primis uerò hic Bernhardus sese Lutheri conatibus opposuit, atq;

Catholicam religionem animose apud Belgas defendit. Itaq; factum ut cunctis innotuerit, atq; magnam nominis sui famam adeptus fuerit. Tandem uerò obiit, & apud suos honorificè sepultus fuit. Anon.